



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

[X. Quisnam sit in mente diuina ordo actuum concurrentium ad
prædestinationem.]

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

ordinis solum desumi potest ex subordinatione ipsorum obiectorum ; secundum quam vnu comparatur ad alterum, si non veluti finis ad medium, certè velut causa efficiens ad effectum ; à qua tamen subordinatione prædestinatione ipsa penitus abstrahit, vt dictum : etiam si in ipsa executione mediorum talis quedam subordinatione interueniat, ob quam similis etiam prioritas & posterioritas cadit in ipsis actus diuinæ mentis secundum ordinem executionis ; quem in ipsa etiam mente agentis per intellectum constituendum esse alibi probavimus.

Secundò. Si esset aliqua prioritas secundum ordinem intentionis, inter prædestinationem hominum aliquorum ad gloriam, tunc similis etiam prioritas esset inter ipsam vnius gloriam, & alterius : sed hoc dici non potest, &c. Quia ut esset aliqua prioritas secundum ordinem intentionis inter gloriam vnius, & gloriam alterius, necesse foret, vt vnius gloria haberet se per modum finis respectu alterius ; quia ordo intentionis est secundum rationem finis & mediorum : atqui vnu electus aut gloria vnius electi, non est finis gloriae alterius : cum omnes sint eiusdem ordinis, immediatè subordinati ad Christum hominem & Deum, eti diuerso gradu, iuxta illud Apostoli 1. Corinth. 3. v. 23. *Omnia vestra sunt, vos autem Christi, Christus autem Dei.*

4 Tertiò. Deus intendit regnum electorum, etiam sub certa hac & determinata mensura, quam habiturum est, per modum vnius regni, in quo omnes & singuli regent ; item per modum quasi vnius corporis, sive sponsa, seu ciuitatis celestis, sub uno rege, capite & sponso Christo : ergo simul intendit omnia membra, ex quibus ipsum corpus constat, & qui veluti ciues per se ad idem regnum pertinent. Consequentia patet. Antecedens probatur ex Scriptura, in qua ita describitur celestis illa Ierusalem, nempe velut ciuitas sancta descendens de celo ; item tanquam sponsa preparata viro suo ; item tanquam regnum, in quo omnes & singuli regent, iuxta illud Apoc. 5. v. 10. *Fecisti nos Deo nostro regnum.* Et cap. 20. v. 5. *Regnabunt in secula seculorum.*

5 Alerio II. Electio Angelorum non est secundum rationem prior electione hominum ; sed omnes tam homines, quam Angeli, post Christum fuerunt electi ad gloriam simul, & in eodem signo rationis. Ita citati pro præcedent assertione. Et probatur tum ijsdem rationibus, tum maxime ex fundamento opposito contraria sententia. Si enim aliquis esset ordo inter electionem Angelorum & hominum, ideo esset, quia Angeli electi fuerunt ante præsum peccatum, homines vero post eam præsumptionem, vt volunt autores opposita sententiae : sed hoc verum non esse, probauimus dubio præcedenti, vbi ostendimus, homines nullo modo ex occasione ruine Angelorum, vel ad eorum euangelicam comprehendam propriæ ; sed per se & primaria intentione fuisse à Deo electos, non minus quam ipsos Angelos. Ex quibus etiam patet solutio ad

fundamenta opposita sententiae.

D V B I V M X.

Quisnam sit in mente diuina ordo actuum concurrentium ad prædestinationem.

S. Thomas 1. p. q. 23. a. 4. & 5.

Diversa est hac dñe Doctorum sententia, prout de ordine & processu prædestinationis, in mente diuina, varie sentiunt, vt in hac quæstione dubijs præcedentibus particulatim retulimus. Etenim illi, qui prædestinationem quidem ad gloriam constituant post præsumptionem meritorum, simul tamen discretionem & selectionem gratiæ congruæ pro salvandis ex singulari amore & benevolentia à Deo factam non negant, communiter hunc ordinem signorum constituant, vt colligatur ex Vasquo disp. 49. num. 43. Primo Deus voluntate quadam antecedenti & ineffaci omnibus hominibus voluit beatitudinem supernaturalem ; & adhanc etiam statuit eos creare.

Secundò supposita præsumptione peccati, & Christi redemptoris, decrevit & discrevit pro adultis, qui salvandi erant, post varia gratiæ dona, quæ vñum rationis anteuertere poterunt, ea auxilia gratiæ præuenientis, quibuscum eos, spectatis omnibus, efficaciter & cum finali perseverantia cooperaturos conditionata scientia nouerat : pro parvulis autem, eadem servata proportione, ea inedia ex parte sua, eamque seriem consimilium auxiliorum decrevit, quibuscum eos antea, etiam adulorum ope, quatenus opus erat interueniente, per eandem scientiam medium, finalem gratiam accepturos cognoverat.

Tertiò. Vedit Deus scientia visionis, tum illos super predictis medijs absoluē ac re ipsa cooperaturos, tum illos iustificandos, cum finali perseverantia. Quod si aliquod eiusmodi medium necessarium & intrinsecam habititudinem inuolueret ad peccatum commissum, seu proprium prædestinati, seu alienum, tum id ex vñori sententia vtriusque partis, non fuit prædestinatus, seu præfinitus, ante peccatum illud præsumptum, iuxta dicta dub. 8.

Quartò. Efficaciter decrevit vtrisque beatitudinem supernaturalem ; his quidem vt hereditatem paternam solum, illis vero etiam vt præmium, ob præsumta merita.

Alij vero nonnulli, (speciatim Lessius tractat de perfect. diuin. lib. 14. cap. 2. à num. 49.) qui speciam discretionem & selectionem gratiæ congruæ ab incongrua pro salvandis negant, & nihilominus tamen electionem ad gloriam post præsumpta meritata docent, hunc ordinem statuunt, quasi populari capiti in primis accommodatum. Primo, inquirunt, Deus ante omnem præsumptionem futurum, infinita suabonitate induetus, liberè statuit, condere naturam rationalem, Angelicam & humanaam, vt eam elearet ad statum diuinum, & facere participem sue glorie & sue beatitudinis, omniumque bonorum & gaudiorum suorum. Neque tamen in hoc signo legit sibi certum num-

rum, ex quo ciuitas illa coelestis constaret; sed omnes omnino nomine excepto ordinauit, vt essent ciues illius ciuitatis, & participes gloriae illius, cum firmo proposito, eam suo tempore re ipsa omnibus conferendi, nisi per ipsos staret; hoc est, nisi ipsi peccando se eius directioni subtraherent, & indignos rediderent.

3 Secundò in hunc finem statuit, ante omnem futurorum prævisionem, omnes Angelos, & primos parentes (in quibus virtute continebatur totum genus humanum) condere in statu gratiae, cum magnis auxiliis, magnaque facilitate ad perseuerandum.

Tertiò. Quos ex Angelis vidit per auxilia ipsius preparata & donata perseueraturos, vel potius perseuerantes, hos absoluto decreto elegit ad gloriam; quos autem vidit non perseuerantes in bono, sed per superbiam se eleuantes, reprobavit destinando æternis supplicij. Quia vero Deus ex hominibus neminem prædestinavit, nisi per Christum, & post peccati prævisionem, hinc sit, quod in hoc instanti ex hominibus neminem prædestinavit, sed in aliquo posteriori, vt dicetur.

4 Quarto igitur, cum Deus hominem in secundo instanti cum gratia donis in statu innocentiae creatum videret non perseuerantem, adeoque præuisco peccato Adami, & prima illa ordinatione status innocentiae per peccatum euerst, cum totum genus humanum in Adamo esset perditum, misericordia commotus rursus statuit, genus humanum erigere, & nouo modo ad salutem dirigere, prædestinando Incarnationem Verbi, vt humana natura in Verbo existens, & per Verbum sanctificata, iustitiae diuinæ pro omnium hominum peccatis, præteritis, præsentibus, & futuris satisfaceret, & omnibus omnia ad salutem ex parte Dei necessaria mereretur. Propter cuius merita Deus rursus constituit omnibus, quantum conditio status lapsi pateretur, dare auxilium sufficiens, volendo vt omnes adulti eo vterentur, vt illud in opus dirigentes, obligando etiam parentes, vt doctrinam latitum ad posteros propagarent, & magnam eorum curam haberent: quod si fecissent, vt poterant & debebant, vera fides & religio in omnes adultos deriuari potuisset.

5 Quintò. Deus vidit ab æterno, quinam auxiliis, quæ ipse singulis toto temporis decursu daturus erat, rectè vterentur, & pe ea in iustitia perseuerant, quinam non perseuerarent, & in peccatis morerentur; itaque illos elegit ad gloriam, hos reprobavit & destinavit ad poenas; & ante hanc prævisionem nulla fuit absoluta electio aut reprobatio.

Ita hi authores; quicunque ne gratia efficacis auxilium, ipsumque perseuerantem donum, quorum in supra dicta serie nulla mentio expressæ facta est, penitus non agnoscere viderentur, addendum censuerunt, omnibus ijs, qui perseuerant usque ad finem, fuisse præparatum absoluto decreto auxilium efficax, & donum perseuerantæ, independenter ab eorum libero arbitrio nude considerato, ac proinde gratiæ secundum modum loquendi Augustini; non tamen independenter ab eorum libero arbitrio, donis gratia prioribus instructo: nam vt

Augustinus ait (epistol. 106. & lib. de bono perseuerant. cap. 6.) Meritis fidei & gratia his donis ipsi sumus suppliciter emeriti; & fido certum est, ipsam perseuerantiam etiam à nobis pendere. Iis vero qui non perseuerant, fuit etiam hoc donum gratuita Dei misericordia, quantum opus est ex parte Dei, præparatum: quod autem datum non fuerit ipsa, ipsi causa sunt; quia per ipsos stetit, & non per Deum, quod non perseuerauerint.

6 Verum quia Deus perscientiam conditionatam sciebat, per quam gratiam quicunque esset perseueratus, & per quam non perseueratus, quisque singularis beueficij loco ducere debet, si eam gratiam à Domino accipiat, per quam iiebatur perseueratus; cum Deus aliam illi dare potuisset, per quam nouerat non perseueratrum. Idem, inquit, dicendum de conuersione & alijs bonis operibus. Unde hanc gratiam semper petere debemus; et si haec scientia non sit illi ordinaria regula distributionis gratiarum, quas electis vel reprobatis confert, &c. Porro hec gratia non solum complectitur diuinam inspirationem, piamque affectionem voluntatis, sed etiam circumstantias, cum quibus datur, vt loci, temporis, modi, personarum, officiorum, & aliarum rerum, quæ nos inueniunt ad bonum, atque a deo totam directionem diuinæ prouidentiae, quam ipse nobis scit fore salutarem.

Quicunque non perseuerarunt, non habent quod de Deo conquerantur; quia ex parte sua illis praesertim fidelibus non defuit: nam sincero animo & desiderio salutis eorum, dedit illis auxilium vere sufficiens, mandans ut redderent illud efficax in actu secundo, per illud operando, sicut facile poterant. Nostrum enim est, postquam gratia Dei instruxit, & per eam corroboratus, illam reddere efficacem in actu secundo, per illam operando bona opera, & mandata seruando; quod sine iniuria sanæ doctrinæ negari non potest. Quare si hoc non facimus, sed gratiam Dei negligentes, & otiosam relinquentes, auertimus nos à Deo, eius mandata violando, merito damnamur. Ita isti.

7 Quod si ab illa controversia de discretione gratiae congrue ab incongrua, simul & ab Angelorum electione abfrahatur, nihilominus tamen prædestinatione Christi, & B. Virginis, cum ordine & processu reprobationis includatur, tum ex eorum quidem sententia, qui defendunt prædestinationem ad gloriam post prævisionem meritorum seu mediiorum, à nonnullis hic ordo statuitur. Primo Deus ab æterno decrevit, omnes homines creare ad beatitudinem, quam ipsi affectu simplici desiderant, qui vult omnes homines salvos fieri. Secundò ex hac voluntate statuit illis dare gratiam in statu innocentiae; simul voluit permanere ipsi libertatem arbitrij, vnde etiam voluit peccatum permettere. Tertiò vidit Deus primum hominem cum tota propagatione labi; adeoque vidit Adamum peccantem, & in illo omnes. Quartò voluit remedium lapsi adferre: ideo prædestinavit Christum Dominum, & eius merita. Quintò proper Christum præseruauit immaculatam Virginem à peccato originali; cæteros permisit illud contrahere: & ex infantibus alios reprobavit propter originale peccatum, cum quo erant decessuri; alijs ex meritis

Christi vel baptismum, vel aliud remedium concessit, & sic illos prædestinavit, non ex ipsis, sed Christi meritis. Adultis vero omnibus gratiam præuidit sufficientem, qua possent bene vel male vivi. Sexto absolute videt, ex hominibus aliquos gratia bene viros, alios male. Septimo abolute & efficaciter volunt bene ventibus gratia conferre gloriam, male ventibus, & in peccato decedentibus eternum supplicium.

In qua omni dispositione prædestinationis, postposita efficaci intentione finis, incipit a voluntate efficaci, seu scientia approbationis de datis mediis; & primo quidem remotoribus a fine, deinde propinquioribus, & consummatur in voluntate efficaci, seu scientia approbationis de danda gloria.

Sed quomodo cumque haec sententia explicetur, eiusque processus varie institutus, supposita ea doctrina, quam haec tenus dubiis precedentibus tradidimus, multa sunt, qua probare in eiusmodi signorum, seu instantium serie non possumus. Et initio quidem loquendo de iis, in quibus autores isti omnino conueniunt, non probatur primo, quod prædestinationis ad gloriam tam in hominibus, quam Angelis, ponitur posterior præuisione meritorum; contra ea que docuimus dub. 4. Secundo, quod prædestinationis ad gloriam ponitur non simul, sed posterior ipsa voluntate producendi homines & Angelos salvandos; cum tamen ipsam etiam existentia salvandorum sit effectus prædestinationis; ac proinde voluntas creandi includatur in ipsa prædestinatione, ut docuimus supra q. 3. dub. 2. Tertio, quod prædestinationem Christi & hominum constituant primum post præuisionem peccati; contra dicta hic dub. 7. Quartu: quod prædestinationem Angelorum constituunt ante prædestinationem Christi & hominum, contra dicta dub. 9. Quinto, quod prædestinationem hominum videantur constituere in diversis signis, ut speciatim de B. Virgine in processu postremo loco allato indicatur; contra ea, que docuimus hie eodem dub. 9. Sexto, quod negat absolute prædestinationem eorum operum bonorum, quibus prædestinatus quisque; efficaciter salutem consequitur; quodq; prædestinationem recte operationis & perseverantie posteriore faciunt prædestinatione gratia præuentient, contra dicta dub. 6.

Circa secundam vero dispositionem instantium seu signorum, illud sane speciatim displicer, quod in ea nulla sit expressa & distincta mentio gratiae congruae pro salvandis, & gratiae incongruae pro reprobatis a Deo designata; quasi Deus in gratiarum designatione & qualiter erga virtusque habuerit, de qua re actu dub. 1. Certè oportebat in quarto signo addere, gratiam quidem sufficientem omnibus, sed salvandis insuper specialem gratiam congruam gratis a Deo fuisse prædefinitam; de qua tam multa S. Augustinus in suis de prædestinatione lucubrationibus differuit; & sine qua ea sufficiet explicari nullo modo potest. Sed veriti fortasse sunt hi autores, ne si eius rei mentionem fecissent, series & ordine prædestinationis minus plausibilis redderetur: quando eo fundamento supposito, omnibus fere difficultatibus ipsi presumuntur, quas contra gratuitam prædestinationem alias obiciunt; sed a se suaq; sententia alienissimas esse vellent, ut satis patet ex dictis dub. 5.

Taceo, quod in addita notatione dicitur, donum perseverantie, de quo tam multa & præciara Augustinus contra Semipelagianos differit lib. de bono perseverante. fuisse quidem gratitudo Dei misericordia preparatum iis, qui non perseverant, iis vero qui perseverant, significatur fuisse decretum ex meritis, iuxta Augustinum; quasi his non fuerit gratis prædestinatum & collatum: cum tamen Augustinus loquatur solum de imperfecto & impropio merito congrui; quod meritum nec per se infallibile est, nec facit, quo minus aliquid gratis detur, vt omnes docent cum S. Thoma in I. 2. q. 114. art. 9. ubi diserte pronuntiat, perseverantiam via non cadere sub merito; sed Deum gratias per perseverantiam bonum largiri, cunctus illud largitur. Nescire dicit Augustinus, omnes adultos prædestinatos donum illud promereri; sed postle promereri; quod commune etiam est reprobis; Deo interim gratis quidem hoc donum saluandi prædestinante; ceteris vero, non iniusto quidem, sed occulto iudicio, non ita. Certè longè aliter quam superius relatum, de dono perseverantie docere Augustinum; immo vero aperte profiteri, nescire se causam, cur vni donum illud Deo detur, alteri non detur; pater ex testimonio eiusdem relatis supra q. 4. dub. 1. assert. 3. & hic dub. 1. Quibus addo haec apertissima eius testimonija. Lib. de corrept. & grat. cap. 8. ait: [Hic si a me queratur, cur eis Deus perseverantiam non dederit, qui eam, quam Christianè viuerent, dilectionem dedit; me ignorare respondeo. Non enim arroganter, sed agnoscens modulum meum, audio dicente Apostolum, O homo tu quis es, qui respondeas Deo? Et; O altitudo divitiarum sapientie & scientia Dei; quam inscrutabilia sunt iudicia eius; & inuestigabiles via eius? Quantum itaque nobis iudicia sua manifeste dignatur, gratias agamus; quantum vero abscondere, non aduersus eis confilium murmuremus; sed hoc quod que nobis saluberrimum esse credamus. Tu autem quisquis inimicus eius gratia sic interrogas, ipse quid dicas? Bene quod non negas esse Christianum, & Catholicum iactas. Si ergo confiteris, donum Dei esse perseverantie in bono usque in finem; cur hoc donum ille accipiat, ille non accipiat, puto quod mecum pariter nescis, & ambo hic inscrutabilia iudicia Dei penetrare non possumus.]

Et ibidem inferius ita pergit Augustinus: [De his non differimus, inquit, qui perseverantiam bonitatem non habent, sed ex bono in malo deficiente bona voluntate moriuntur. Respondeat si possunt, cur illos Deus cu[m] fidelter & piè viuerent, non tunc de vita huius periculis rapuit, ne malitia mutaret intellectum eorum, & ne fictio decipiatur animos eorum. Vtrum hoc in potestate non habuit, an eorum mala futura nesciunt? Nem penitus horum, nisi peruersissime atq; insanissime dicuntur. Cur ergo non fecit? Respondeant, qui nos irident, quando in rebustalib[us] exclamam[us]. Quam inscrutabilia sunt iudicia eius, & inuestigabiles via eius. Neque non dat Deus quibus voluerit; aut vero scriptura illa mentitur, que de morte velut immatura hominis iustitiat, Raptus est, ne malitia mutaret intellectum eius, aut ne fictio deciperet animam eius. Cur igitur hoc tam magnum beneficium aliis dat, aliis non dat Deus, apud quem non est iniquitas, nec acceptio personarum, & in cuius potestate est, quādiu quisque in hac vita maneat, quę tentatio dicta est super terram?

Sicut ergo coguntur fateri, donum Dei esse, ut finiat homo vitam istam, antequam ex bono mutetur in malum; cur autem aliis donetur, aliis non donetur, ignorantia; ita donum Dei esse in bono perseverantia, secundum scripturas, de quibus testimonia multa iam posui, facientur nobiscum; & cur aliis detur, aliis non detur, sine murmure aduersus Deum, dignatur ignorare nobiscum.]

Ei lib. 2. de bono persever. cap. 13. [Dilucide, inquit, ostenditur, & inchoandi, & vsq; in finem perseverandi gratiam Dei, non secundum merita nostra, sed donari secundum secretissimam, eandemque iustissimam, beneficentissimam, sapientissimam Dei voluntatem: quoniam quos prædestinavit, hos & vocavit, vocatione illa, de qua dictum est, sine penitentia sunt dona & vocatio Dei: ad quam vocationem pertinere, nullus est homo ab hominibus certa asseneratione dicendus, nisi cum de hoc seculo exierit. In hac autem vita humana, qua est tentatio super terram, qui videtur stare, videat ne cadat. Ideo quippe non perseveraturi, perseveraturi prouidentissima Dei voluntate miscentur, ut esse discamus non alta sapientes, sed humilius consentientes, & cum timore & tremore nostram ipsorum salutem operemur. Deus est enim, qui operatur in nobis & velle, & operari pro bona voluntate. Nos ergo volumus, sed Deus in nobis operatur & velle: nos ergo operamur, sed Deus in nobis operatur & operari pro bona voluntate. Hoc nobis expedit, & credere, & dicere, hoc est pius, hoc verum, ut sit humilis & submissa confessio & detur totum Deo.]

Ei lib. de corrept. & grat. cap. 12. [Nunc ergo Sanctis, inquis, in regnum Dei per gratiam Dei prædestinatis, tale adiutorium perseverantiae datur, ut eis perseverantia ipsa donetur: non solum ut sine isto dono perseverantes esse non possint, verum etiam ut per hoc donum non nisi perseverantes sint.] Audis ubique ex Augustino, perseverantiam non secundum merita nostra dari, sed ex gratia & beneplacito Dei donari. Omitto cetera.

Circa postremum vero dispositionem instantium, illud speciem non probatur, quod in ea prædestinatio infantium constituitur in priori signo, quam adultorum: quod non solum viuensim refutavimus dub. 9. sed etiam aliis authoribus communiter parum consonum videtur, qui defendunt prædestinationem ex præuisis meritis. Certe nulla eius rei ratio solida potest adferri: quia sicut in adultis ante actum penitentia, aut gratiam sanctificantem requiritur, gratia excitas; ita in parvulis ante susceptionem baptismi pia cooperatio adultorum. &c.

His ergo omissis, alter à nobis constituendus est ordo signorum sive instantium in mente diuina, ex dictis. Et initio quidem abstractendo à Christo & permissione peccati, & loquendo præcisè de actibus, quibus ipsa prædestination perficitur, hunc ordinem signorum statuimus. Primum supposita scientia tam naturali, quam media, Deus infinita sua bonitate, & ob gloriam nominis sui inductus, liberè statuit condere naturam rationalem, angelicam & humanam, ad beatitudinem supernaturalem, quam omnibus quidem affectu simplici desideravit, volens omnes angelos & homines saluos fieri; sed simul tamen etiam quosdam, iuxta suum beneplacitum, certo nu-

mero & in individuo efficaciter destinavit, adeoque etiam creare decreuit ad gloriam re ipsa consequendam, sive per merita & vt brauium, ab adultis, sive solum ut hæreditatem, à parvulis.

Secundo gratis præordinavit omnibus quidem tam hominibus, quam angelis, sufficientia salutis media, iuxta singulorum statum & conditionem, sed præcipue simul electis particulatum destinavit, efficacia salutis media; cum hac tamen subordinatione, vt prius iis decreuerit ea media, quæ propriæ ad salutem prædestinati concurrunt, vt est certus gradus gratiæ sanctificantis cum perseverantia; deinde in adultis, actus boni & meritorii; in parvulis autem, applicatio Sacramentorum: postea vero etiam alia media præuenientis gratiæ; quo spectant varia opportunitates, occasiones, omnisque illa auxiliorum gratiæ series, qua cum ante per scientiam medium eos cum finali perseverantia iustificandos cognoverat...

Tertio vero supposito hoc ordine intentionis, præficiuit Deus absoluta præscientia, tum adultos ita finaliter cooperaturos, tum parvulos per præordinata media gratiam usque ad finem vite retenturos.

Quarto voluit ac decreuit voluntate quadam executiva, quod statutum est executioni mandando, post dictam præcussionem mediorum, conferre gloriam; vt sic re ipsa tandem electis in primo instanti, sine præscientia absoluta meritorum vel auxiliorum, efficaciter obtinere gloria, seu tanquam brauium adultis, seu tanquam mera hæritas paterna parvulis; siquidem hic procedendi modus etiam inter homines consuetus est, cum per ipsum, qui intentionis ordinem instituit, facie da est executive, vt superius dictum disp. 2. q. 10. dub. 5. & hic dub. 4. & bene etiam Suarez hic lib. 1. de prædest. cap. 14. & opusc. de auxil. lib. 3. cap. 19. num. 6. In quo processu negotium prædestinationis inchoatur ab efficaci intentione ipsius gloriæ, tanquam finis, & mediante electione mediorum, simul cum scientia visionis de eorundem efficacie, consummatur in voluntate executiva re ipsa conferendi gloriam. &c.

Quod si actuuum diuinorum seriem ad Christum, etiam & permissionem peccati extendere velimus, abstractendo à modo & ordine reprobationis, de qua quæst. 7. agendum est, tum hunc ordinem constituimus. Supposita nimis scientia diuina, tam simplicis intelligentia, quam conditionata seu media, Deus primò voluit se gloriosus in creaturis, adeoque voluit gloriam suam, & properat eandem communicare seipsum ad extra, producendo creaturas, iisdemque sese velut supremum finem præsttuendo; nulla interim in hoc signo determinatione singulari facta rerum producendarum; ne cuiuspiam alterius rei productio prædestinata dicatur prius, quam ipse Christus.

Secundò voluit gloriam & exaltationem Christi (dependenter tamen à permissione peccati, & abstractendo à carne passibili) vt nimis ipse velut homo caput esset & princeps hominum simul & angelorum, adeoque finis secundarius omnis puræ creatura.

Tertio voluit creare homines & angelos ad supernaturalem beatitudinem; quam proinde omnibus quidem voluit antecedenti voluntate; quibusdam autem

autem ad hoc singulariter & in individuo præcæteris electis, etiam efficaci & absoluto decreto.

Quarto voluit oram reliquam rerum vniuersitatem producere, itaque conformare, ut & Angelis & hominibus, iuxta suam vniuersiusque conditionem ac modum, ad suum finem cooperarentur ac ministrarent: simul etiam tum vtrisque sufficiencia salutis media decreuit; tum speciatim electis tam hominibus quam Angelis prædefiniuit emedia, quæ nullum necessarium respectum includunt ad peccatum; cum ordine tamen quodam, ut propiora fini prius decerneret, quam remotiora.

Quinto voluit permittere peccatum, tam in angelis, quam hominibus.

Sexto prædefiniuit ea media electis, quæ necessario supponunt peccatum, tum generalia, tum particularia; ut passionem & mortem Christi, penitentiam Confessorum, mortem ac certamina martyrum, de qua re omni in 3. parte fusius differendum est; neque opus est hæc sigillatim amplius confirmare, cum sere ex dictis sint manifesta.

Concludo hanc dubitationem cum Durando in 1. dist. 41. num. 6. qui eiusmodi ordinem, maximè consentaneum esse naturis rerum, & humano modo procedendi, haec ratione perspicue declarat: Scindit est, inquit, quod inter electionem & ceteros actus intellectus & voluntatis, in Deo non est ordine prioris & posterioris secundarii re, sed tantum secundum rationem. Nisi ubi unus est ordo prioris & posterioris secundum re, ibi est ratio distinctionis: sed inter attributa diuina, de quorum numero sunt electio & prædestinationis, & omnes operationes intellectus ac voluntatis, non est realis distinctio: ergo non est ibi realis ordo, sed solum secundum rationem. Et nunc debemus considerare ex reali ordine, quem habent actus tales in nobis, in quibus differunt secundum rem. Ut enim prius dictum fuit, qualem ordinem reali habent aliqua, ubi sunt distincta realiter, taliter ordinem rationis habent, ubi sunt distincta secundum rationem.

Et ergo nonandum, quod in nobis omnem actum voluntatis præcedit aliquis actus intellectus. &c. actus autem vo-

buntatis de fine, præcedit actu intellectus practici, quo consiliatur de his, quæ sunt ad finem. Hunc autem actu intellectus practici sequitur electio, quæ est appetitus præcessus. Contingit autem, quod illud cuius est electio, sit finis querundam aliorum. & ex illo rursus ratiocinatur intellectus practicus de his, quæ sunt ad illius finem, qui est finis sub fine: & tunc electio primi præcedit secundum actuum intellectus practici: sed iste secundus actuus præcedit secundam electionem. Ergo talis ordo est in nobis secundum rem:

In Deo autem est similis ordo secundum rationem. Quantum noster est ad proprium nostrum, Deus primo scit suam beatitudinem, ut possibiliter nobis communicari: hanc notitiam sequitur voluntas communicandi eam aliquibus: ex hac voluntate, quæ est finis, ratiocinatur intellectus practicus, quibus communicabitur, & quibus non; & hic actus vocatur consilium diuinum. Hoc autem consilium sequitur electio (nimurum ad gloriam) &c. Adhuc illud cuius est hæc electio, habet rationem finis respectuorum, per quæ electus ad talem finem deducetur: & ideo ex hoc rursus consiliatur intellectus practicus, quæ sunt conferenda electio, ut consequantur finem, ad quem eliguntur conclusio aut auxilia: & hinc terminatur processus interioris intentionis. &c.

Et rursus nu. 9. ita concludit Durandus: Iste ergo videtur esse processus secundum rationem in Deo; quia primo vult beatitudinem comunicare; secundo consiliatur, quibus communicabitur, & per conclusionem consilii approbat quibus comunicabitur. Tertio illos eligit. Quarto consiliatur, quæ auxilia conferenda sunt electio, ad consecutionem finis, & conclusio huius consilii est prædestinationis. Quinto est ultimo sequitur propositum conferendi alia auxilia. Haec tenus Durandus, vbi tamen quod simul indicat, reprobationem in eodem instanti factam esse, quo electio ad gloriam, questione sequenti refelletur. Sicut & de eo, quod electionem à prædestinatione ex parte termini distinguunt, actum est superius q. 2. dub. 1. & q. 3. dub. 1. & vniuersim quomodo prædestinatione habeat ad dilectionem, electionem, præscientiam, prouidentiam, explicauimus supra q. 2. dub. 3.

18

Q VÆSTIO VI.

De Infallibilitate, immutabilitate, & concordia Prædestinationis diuinæ cum libero arbitrio.

S. Thomas I. p. q. 23. a. 6. & 7.

Non soluitur haec quæstio quatuor dubitationibus. I. An & quomodo prædestinationis sit certa & immutabilis, certusque numerus prædestinatorum. II. Quantus & quam conueniens sit prædestinationis numerus. III. Utrum prædestinationis sit in nostra potestate, aut saltē cum libertate arbitrii nostri consentiens. IV. An & quaratione de nostra prædestinatione certi esse possumus: & quenam sint diuina prædestinationis signa.

D V B I V M I.

An & quomodo Prædestinationis sit certa & immutabilis; certusque numerus Prædestinatorum.

S. Thom. I. p. q. 23. a. 6. & 7.

Quid de hac sentiendum sit, cū S. Thoma loc. cit. sequentibus assertionibus declaramus.

Affirmatio I. Prædestinationis diuina est certissima, & prorsus infallibilis. Ita S. Thomas quæst. 23. art. 6.

1

&c in 1.